

اِسْتِثْنَا

نومبر ۲۰

پنجشنبہ

۲۸ کانون ثانی ۱۳۲۴

حکومت مشروطه ده رجال حکومت منسوب اولدقلری فرقلرک ریاست کاره قعود و سقوطلری ایله دیکشور . بعض دفعه لر مملکتک داخلی و خارجی بحرانلری سوقله بو فرقلر یکدیگری پک آز بر زمان اینجده ولی واستخلاف ایدرلر . بناءً علیه ریاست کارده بولنان قابینه نک ارکانندن بعضیلری ایله صمیمی بر معارفه پیدا ایدلدیکی ویا اوقابینه نک مسلکی ده ها موافق کورلدیکی اینچون فرق سائر ارکانی حقنده باردانه طاورائق مسلکری تنقیده قالمشق قاعده حزم و احتیاطه مغایردر . بو فرقلردن برینک یوماً من الایام رأس کاره کلوب آنلرله مناسبات رسمیه ده بولونیله جنی احتمالی هر زمان درپیش ایتمی واکا کوره حرکت ایتملیدرکه بالاخره برودت شخصییه یوزندن معاملات رسمیه سکنه دار اولسون .

ملاحظات قاصرانه بو مقاله جکله ختام وریورم . بالذنبه قلیل بر مدت ظرفنده کی تجاریمه مستنداً قاره لادیغم بش اون صحیفه نک دیپلوماسی مسلکی کبی نازک بر مسلکک دقایق وغوامضی احتوا ایدهمیه جکفی تکرار ایدرم . بضاعه - سزلکمده انضمام ایدنجه بو صحیفه لر دن ایدیله جک استفاده نک پک محدود قاله جنی بسبتون آشکار اولور . ذاتاً مقصد اقتدار واهلیتلی اولدینی حالده بر عالم مجهوله کیرمکن اجتناب ایدن کنج مسلککدا شلرمه جسارت ویرمکن عبارت ایدی . شو مقصده از چوق موافق بر تأثیر حاصل اولورسه نه موطلو ! مسلکده تکامل ایسه دیپلوماسی حقنده تبعات متوالیهیه ، اکتساب قدمه ، و تزید تجاریمه وابسته در .

محمد صالح

عسکرلکک نتایج سیاسیه و اقتصادیه سی

بو مقاله ده مقصدمز عثمانلیرک پک شانلی و شهرتلی اولان عسکرلکلرندن بحث ایله بونک بر نوع^۱ تاریخیچه سی یازمق دکلددر . یکچیرلرک لغوندن صوکره مملکتیمزده احداث^۲ ایدیلان اصول جدیدۀ عسکرینک صورت تطبیقندن ناشی مالک عثمانیه ده وقوعبولان تبدلات عظیمه سیاسیه و اقتصادیه و بونلرک نتیجه سی

اوله رق ترقیات مملکته حائل اولان بعض حالاتدن بحث ایتک ایستوروز.
 سلطان محمود ثانی نك زمان سلطنتلرنده انتظامسزلق وعدم اطاعت و انقیادی
 حد غایبه واردیروب وطن مقدسك مدافعه سی بوتون بوتون اونوده رق پایتخت
 ایچنده نیک درلو فضاخ ورزائی ایقاع ایدن یکچیرلرک لغوندن صوکر خاقان
 مشارالیه بونلرک رینه قائم اولمق اوزره نظام جدید نام عمومیه سیله و اورویا
 اوردولرینی تقلیداً یکی عسکر تشکیلاتنه باشلامش ایدی. ماکیاوه لک وضع ابتدیی
 قوانین اساسیه سیاسیه دن اولان وخصمک هر درلو خطاسندن وسائط مناسبه ایله
 استفاده نی توصیه ایلان دستوریه توفیق حرکت ایلان روسیه دولتی دولت علیه
 اعلان حربله بو تشکیلاتی تضعیب و تأخیر ایتمش ایدی مصالحه نی متعاقب خاقان
 عالیجاه مسام انام اولان عزم و متانتله اصلاحات عسکریه سنه دوام ایدرک
 چین حاجتده دشمنه مقابله ایدیه سیله جک عظیم بر اردونک تشکیلات اساسیه سی
 وضع ایتک شرفنه نائل اولمش ایدی.

معلوم اولدیی اوزره دولت علیه عثمانیه نك تابذات تشککندبری عثمانلی
 اردولرنده کرک یکچیری اوجاغنده و کرک طشره لردن کلان عساکر میاننده
 افراد غیر مسلمده بولنوردی. هر نه قدر امور حربیه ده وظائفک اکثر بسی
 واک مهملرینی ترکار کندیلرینه مع لافتحار تحمیل ایدرلر ایدیه ده اقوام غیر
 مسلمده وطنک مدافعه سی امرنده کندیلرینه تودیع ایدیلان وظائفی اجراده
 قصور ایتزلر ملل سارجه ده اک مهم واک مقدس بروطفه عدایدلمکده اولان
 عسکرلکده عناصر مسلمه و غیر مسلمه همدست وفاق اوله رق دشمنه کوکس
 کررلر ایدی. وقعه خیریه دن صوکر تشکیل ایدیلان نظام جدید اوجاغنه شمديه
 قدر اکلاشیلیمان اسبابه مبنی عناصر غیر مسلمه دن هیچ بر فرد قید ایدلدی کره آ
 وطوعاً هب مسلمان عنصرندن نفرات جلب ایدیلرکن نهایت ۱۲۶۱ تاریخنده
 صرف عناصر اسلامی نك اخذ عسکر معامله سنه تابع طوتلمسی ایچون برقرار
 چیقدی. آلتش سنه دئبری بودولتی مدافعه ایتک وظیفه سی عناصر اسلامی نك
 وخصوصیه ترک قومنک دوش تحملنه وضع ایدلدی.

اون طقوزنجی عصرک رجال سیاسیه عثمانیه سی میاننده بر موقع ممتاز احراز

ودوات علیہی بر جوقی مشکلاتدن قوتارمغه موفق اولان عالی و فوؤاد پاشا ۱۲۶۱
 اخذ عسکر قانوننک محاذیر جدیدہ و عظیمہ سی مشاہدہ ایدہ رک ترک قومنک
 آتشی ایچون بیوک ضرر لر تولید ایدہ جکفی ادراک ایله نظامنامہ مذکورک تبدیلی
 جہتنہ کیتمشلر و وظیفہ عسکریہی بلاتفریق مذهب بوتون تبعہ عثمانیہ تعمیم
 ایتمک قیام ایتمشلر ایدی اقوام غیر مسلمہ نیک سلیک عسکریہ داخل اولملری ینہ
 کندیلرندن ضابطلرک بولمسنہ و بوندہ نظامنامہ مذکورک مرعی الاجرا اولمسی تسہیل
 ایدہ جک امور دن اولمسنہ بناء مکاتب عسکریہ یکر می اوتوز غیر مسلم طلبہ
 قید ایدلش ایدی . عناصر مختلفہ عثمانیہ نیک بر سنجاق آلتندہ معزز و طنمزہ
 خدمت و آتی ہر حال و کار دہ متفاعلہ ایتمک سعادتہ نائل اولملری قوۂ قریبہ یہ
 کلش ایکن برایکی عصر دہیری مدیران اموری استیلا ایدن جہالت ، تعصب ،
 سوء تفہم ینہ بوامر خیر و عظیمہ مانع اولدی ، افاضل ، اوعالم ، وطن پرور ذواتہ
 فرقہ جاہلہ و مخالفہ غلبہ ایتدی بومشئلہ دہ دیگر لر ی مثللو کوملکم صورتیلہ
 حل اولندی . ارہ یہ طقسان اوج محاربہ سی کیردی . مصالحہ دن صوکر ا روسلر
 ادرنہ ولایتی تخلیہ ایتدکلر ندہ ۱۲۹۵ تاریخندہ روسلرک تشکیلات عسکریہ سی
 مشاہدہ ایله مختلف مذهب و جنسلرہ منسوب بر جوق آدملرک عین سنجاق
 آلتندہ محاربہ ایتملری ادرنہ ولایتدہ بولنان اقوام غیر مسلمہ یی ایفاظ ایلدی .
 ذاتا اوتہ دہیری جماعات مختلفہ دہ بدل عسکریہ یی زنکینلر فقرالر ایچون
 ویرمکدہ اولدقلر ندن بوحاک رفی ایچون وسائر بعض اسبابہ بناء جماعات
 مذکورہ رؤسای ادرنہ ولایتدہ بولنان غیر مسلملرک اخذ عسکر قانوننہ تابع
 طو تلملری ضامنہ دہ حکومتہ بر لایحہ ویرمشلر ایلدہ دہ تاریخ مذکور دہ موقع
 اقتدار دہ بولنان صدراعظم سعید پاشا بویلہ شیلرک دہا زمانی گلیدیکنی سیان ایله
 لایحہ نیک موقع اجرایہ وضع ایدلمسنہ مانع اولمشدر !... کیزلی بر صورتدہ
 تخریباتی اجرا ایدن جہالت ، تعصب بورادہ دہ کندینی کوستردی !... بوکون
 قانون اساسیمزک اک مہم موادندن بریدہ ہر عثمانینک بلاتفریق دین و مذهب
 خدمت عسکریہ مقدسہ ایله مکلف اولمسیدر . بونی بردن موقع اجرایہ قومیہ نیک
 قولای برشی اولسادینی معلوم اولمقلہ برابر بوندن قرق سنہ اول واقع اولان

تشیثلردن و هیچ اولمازسه ۹۵ سنه سنده ادرنه ولایتنده اله کچن فرصتدن استفاده ایدیلرک خدمت عسکریه او ولایتده اولسون تعمیم ایدلمش اولسیدی بوکون بومشلهده کوچک مقیاسده برتجر به یایلمش اولور ایدی بوتون حیات سیاسیه فرصت قاجیرمغله و بشقه لرینه فرصت بر اقله کچور بوتشیثلرده ، بوقعه لردن استفاده ایدیلرک او بیچاره ترکار اوبارکر انک آلتنده دهها زیاده ازیلمکک محکوم ایدیلور .

آتمش سنه دنبری ، برقاج میلیون کیلومترو مربع مساحه سطحیه سی و قرق میلیون نفوسی اولان عظیم بر مملکتک امر مدافعه و محافظه سی ۱۶ میلیونل جماعت مسلمنه افرادینه و خصوصیه ترک قوم نجینه حواله ایدلمش بولنیور . هیچ بزوقت او عالیجناب قوم کندیسنه تودیع ایدیلن بوتحمل فرسا طاقسوز بارکراندن شکایت ایتیمور ، عناصر سازه راحت راحت جوجقلریله چولقلریله ایشنده کوچنده اولرنده سعادت حال ایله امرار وقت ایلدکاری زمان او بیچاره لر ، اوشه سوار قومک افرادی سرحدلرده ، یازین صیجاغنده قیشک صغوغنده اداره مستبدنه کندیلرینه استحضار ایتدیکی انواع محرومیتلره رغماً هر درلو دشمنه کوکس کر مکی کندیلرینه بر ذوق ، بروطفه مقدسه عد اتمش و حالا ایدیور قریب محاربه سنده ناتمام تشکیلات ایله طونه بوینده روسلری هر درلو هزیمتله دوچار و سواستوبول قلعه سنک محاصره سنه اشتراک ایله قارص قلعه سی جانسپارانه مدافعه ایتدی! اداره مطلقه نک مساوی و تعدیاتندن یزار ویا تشویقات خارجه به کرتار اولدقلرندن طولانی رفع لوای عصیان ایدن اقوام مسلمنه و غیر مسلمنه نک تأدیی ضمنتده بمن چوللارنده ، کرید ، قره طاغ ، بوسنه و هر سک داغلارنده هر درلو مشاق و مزاحمه هر درلو محرومیت مادی به قاتلانلر ق بر اقیاد تام ایله آمرلرینک امرینه مطیع اوله رق خاگ پاک وطنک هر بر پارچه سی هر بر طاشنی محافظه ایتمکه غیرت ایدن انحق او زوالی ترک عنصریدر بوکشمکش بو اختلاللر ازمسندن صرب محاربه سی و نهایت مملکتتمز ایچون بیوک بر فلاکتله نتیجه لن ۹۳ سفری میدان چیقور . بو ایکی محاربه ده ترک عنصرینک کوسرتدیکی شجاعت ، انقیاد و اطاعت ، علوجناب وفدا کارلنی دنیاده شمعی به قدر هیچ بر قوم

افرادی کو سترمامشدر .

فقدانی حب وطن، مسکنت و مذلت، رقابت و اغراض شخصیه یکی یوز
بیك فدائی نك تلف اولمسنه وایاستقانونس و برلین معاهده لرینك امضالسنه
سبیت و برمش . . . کردستان، یمن، کرید، ارمنی اختلالاری تسالیه محاربه سی
ماکدونیا وینه یمن اختلالاری بو محاربه فحجیه یی ولی ایلمش وینه بچاره ترك
هپ سلاح بدست اوله رق هریره قوشوب هریرده وطن اغررنده فدای جان
ایتمشدر . . .

بونلر وقایع تاریخچه در وهرکسك معلومیدر . بزم مقصد یز التمش سنه دنیبری
ترك عسکرینك احتیاجات مادیه ابتدائیه دن محروم اوله رق هر درلو اقلیمده
ایندیکی محاربات خونریزانه و غیر مشمره نك عنصر ترکیده آچدینی جسم، الیم،
وخیم یاره لری قارئین کرامك انظار حیت و دقتلرینه وضع ایدوب بوندن تولدی
محقق اولان نتایج سیاسیه و اقتصادیه و مخاطره ملیه یی توضیح و تشریح ایتمکدر .
بالاده تعداد ایدیلن عصیانلرده و محاربات خارجیه ده عناصر اسلامیه نك
ویردیکی تلفاتك بر میلیوندن زیاده اولدینی شوصوك آلتش سنه لك وقایع تاریخچه مزری
لایقیه تدقیق ایدن هر صاحب انصاف تسلیم ایدر ملت بونلردن محروم اولدینی
کبی بونلر ك سلاح التده بولندقلری زمان نسللرندن معنا و ماده استفاده ایده مامشدر
دیمك اولیور که بویوزدن عنصر اسلامه سیاسی و اقتصادی بیوك بر ضرر ایراث ایدلمش
اولیور . عثمانلی اردولرنده مالزمه سفریه نك فقدان و خصوصیه محاربه میدانلرنده
مجر و حینك ممکن مرتبه تدویلری ضعننده سیار خسته خانه لرینك عدم موجودیتی
تلفاتی سائر اردولره نسبتاً تزید ایدیور . محاربه میداننده شهید دوشمیوب
تداویسنلک نتیجه سی اولارق صوکرادن تلف اولانلر ك عددی بزده چوق
اولدیغنی طقسان اوج و تسالیا سفر لرینی تعقیب ایدن بوتون اطباء عسکریه اقرار
ایتمکده بکزر باندلر ایوم مرعی الاجرا اولان قوانین عسکریه موجبنجه بر مسلم
یکرمی بریاشنه واصل اولنجه وطننه قارشی ایفایه مجبور اولدینی خدمت عسکریه سی
ادا ایتک اوزره نظامیه طابور لرینك برینه یاخود سواری و یا طوبجی صنفلرینه
داخل اولور . اوج سنه خدمتدن صوکره ردیف صنفه قید الله مملکتته اعاده

ایدلسی لازم ایکن اکثر اردوی عثمانیلرده بویچارلرک آلتی یدی بعضاًده سکر سنه سلاح آلتنده بولندقلری دفعات ایله کورلمشدر. سلاح آلتنده قالدقلری بویدی سکر سنه ظرفنده، یمن چولارنده کونشک آلتنده یالین آباق باشی قاباق، آجانی علاج اداره ظالمه دن تخلص کر بیان ایتمکه غیرت ایدن هم مذهبلینی تعقیب ایدر، روم ایلی ولایاتنده تاب وتوانی کسینلنجه یه قدر هر کون اشقیا چتله ریه مبارزه ایدر. بو وقایع مؤسسه هنکامنده بعضیلری اشقیا قورشونندن شانلر شهرتسز اولور کیدر بعضیلریده بوقدر محنت ومشقته بوقسزلفه تحمل ایده میهرک وفات ایدر. دیگر برقسیمیده سئلردنبری حسرت قالدقلری آنالرینه بابالرینه قاووشور. لکن بویدی سکر سنه لک محسن مشاق سفریه بو آرسلان کچی دلی قانلیلرک آهین وجودلرینی تالاساندن صارصمش اولدیغندن کویلرینه عودت ایدنارده هیچ بر ایشه یاراماز. روم ایلی و آناتولی کویلیلر مزنی و صوک یکریمی سنه لک عسکرلکمز کورنلر بو حقایق الیمه یی تصدیق ایتمکدن باشقه برشی دیه منزلر.

احوال مسروده نك عناصر اسلامیه و خصوصیه ترك عنصری اوزرنده کی تأثیرات متعدده و مخربیه سی تشریح ایدیورسه پیش انظار تأسفده نقاط آیه مجلی ایلر : اولاً آلتش سنه دنبری محاربه میدانلرنده شهید اولان برمیليون وطن اولادی ایله بولنلردن حاصل اوله جق انسال متعدده دن هیئت اجتماعیه عثمانیه محروم قالدی و عثمانیلرک حیات سیاسیه و اقتصادیه لرینه بویوک برضربه اورولدی، زیرا بومیليون مسلم انسانی فعالیت اجتماعیه حاضرمیه داخل اولمش اوله یدیلر، احوال سیاسیه حالیه و اقتصادیه یه باشقه بررنک باشقه بروش ویره ییلردی.

(مابعدی وار)

عزیز

اجمال داخلی

مجلس مبعوثانده روم ایلی مسأله سی - روم چتله رلی - منازعات مذهبییه و قومیه - اولاح مبعوثی روم بطریقخانه سی علیهنه - بطریقخانه نك تأسف نامه سی - فرقه احرار -